

حِرَمَةٌ



رئاسة الشؤون الدينية
بالمسجد الحرام والمسجد النبوى

РЎЗА АҲКОМЛАРИ

Ўзбек

أوزبكى

من أحكام الصيام



جـ جمعية خدمة المحتوى الإسلامي باللغات ، ١٤٤٦ هـ

جمعية خدمة المحتوى الإسلامي
من أحكام الصيام - أوزبكي. / جمعية خدمة المحتوى الإسلامي
- ط١. - الرياض ، ١٤٤٦ هـ

ص ٢٣ .. سم

رقم الإيداع: ١٤٤٦/١٧٠١١
ردمك: ٩٧٨-٦٠٣-٨٥٣٤-٢٧-٤

РҮЗА

АҲКОМЛАРИ

Бириңчи бўлим

Рўзанинг маъноси ва Рамазон

ойининг рўзасини тутиш

фарзлиги ҳақида

Бириңчи: Рўзанинг маъноси:

Рўза — Тонг отгандан бошлаб то қуёш ботгунга қадар рўзани очиб юборувчи нарсалардан тийилиш билан Аллоҳ таолога ибодат қилишdir.

Иккинчи: Рамазон рўзасини тутиш фарзлиги:

Рамазон рўзаси Ислом арконларидан бир руқн бўлиб, мусулмоннинг дини фақат у орқали қоим бўлади. Рўзанинг вақти ва кўриниши ҳар хил бўлса ҳам у барча умматларга фарз қилинган. Аллоҳ таоло айтади:

﴿يَا أَيُّهَا الَّذِينَ عَمَّنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴾١٨٦

«Эй, иймон келтирғанлар! Сизлардан аввалгиларга фарз қилинганидек, сизларга

ҳам рўза фарз қилинди. Шоядки, тақводор бўлсаларингиз» [Бақара: 183].

Рўзанинг фарзлигига Қуръони карим, суннат ва ижмоъ далолат қилган: Қуръондан далил Аллоҳ таолонинг ушбу сўзи:

﴿يَا أَيُّهَا الَّذِينَ ءَامَنُوا كُتُبٌ عَلَيْكُمُ الصِّيَامُ كَمَا كُتُبٌ عَلَى الَّذِينَ
مِن قَبْلِكُمْ لَعَلَّكُم تَتَّقَوْنَ ﴾ ﴿أَيَّامًا مَّعْدُودَاتٍ﴾

«Эй, иймон келтирганлар! Сизлардан аввалгиларга фарз қилинганидек, сизларга ҳам рўза фарз қилинди. Шоядки, тақводор бўлсаларингиз. Саноқли кунлар...» [Бақара: 183-184].

Суннатдан далил Расулуллоҳ соллаллоҳу алайҳи ва салламнинг ушбу сўzlари: «Ислом беш устун устига қурилган, Аллоҳдан бошқа илоҳ йўқ ва Мұҳаммад соллаллоҳу алайҳи ва саллам У Зотнинг пайғамбари деб гувоҳлик бериш, намозни тўқис адо қилиш, закотни бериш, рамазон рўзасини тутиш ва Аллоҳнинг уйига ҳаж қилиб боришдир».¹

¹ Муттрафакун алайҳ, Имом Бухорий 8-рақам билан (1/11)да ва имом Муслим 16-рақам билан (1/34)да ривоят қилган.

Ижмоъга келсак, бутун мусулмонлар Рамазонда рўза тутиш фарз эканига ва ким рўза тутиш фарзлигини инкор қилса, кофир бўлишига ижмоъ қилишган.

Иккинчи бўлим

Рамазон ойининг фазилатлари

Бу ойнинг улуғ хусусиятлари ва бошқа ойлардан ажралиб турадиган фазилатлари бор. Улардан:

1. Куръони карим шу ойда нозил бўлган Аллоҳ таоло айтади:

﴿شَهْرُ رَمَضَانَ الَّذِي أُنْزِلَ فِيهِ الْقُرْآنُ﴾

«Рамазон ойики, унда Куръон туширилгандир» [Бақара 185].

2. Солиҳ амаллар кўплиги боис унда жаннат эшиклари очилади.

3. Маъсият ва гуноҳлар озайгани учун дўзах эшиклари ёпилади.

Бу Расууллоҳ соллаллоҳу алайҳи ва салламнинг қуидаги сўзларида ворид бўлган: «Агар Рамазон келса, жаннат эшиклари очилади, дўзах эшиклари эса

ёпилади ва шайтонлар занжирибанд қилинади».¹

4. Унинг фазилатларидан Расууллоҳ соллаллоҳу алайҳи ва салламнинг қуидаги сўзлари: «Одам боласи қандай яхши амал қилмасин ўндан то етти юз ҳиссагача кўпайтириб савоб ёзилади. Аллоҳ таоло айтди: «Лекин рўзаси мен учундир. Рўзадор таомини, шаробини ва шаҳватини Мен сабабли тарк қиласи. Мен йўзим уни мукофотлайман». Рўза қалқон! Рўзадор учун иккита хурсандчилик бор. Биринчиси рўзасини очганида, иккинчиси Раббисига йўлиққанида. Рўзадорнинг оғзидағи ҳидининг ўзгариб қолиши Аллоҳнинг ҳузурида мушкнинг ҳидидан ҳам хушбўйроқдир».² Рўзанинг савоби сон билан чекланмаган.

5. Ихлос бошқа ибодатлардан кўра рўзада кўпроқ. Чунки Аллоҳ таоло: «Рўзадор

¹ Муттафақун алайҳ, имом Бухорий 1898-рақам билан (3/25)да ва имом Муслим 1079-рақам билан (2/758)да ривоят қилган.

² Имом Насойи «Кубро» китобида 2536-рақам билан (3/131)да ривоят қилган.

таомини, шаробини ва шаҳватини Мен сабабли тарк қиласи», – деган.¹

6. Аллоҳ таоло рўзадорлар учун жаннатда алоҳида эшик қилди. У Район эшиги бўлиб, унга рўзадорлардан бошқа ҳеч ким кирмайди.

7. Рўзадорнинг дуоси ижобат бўлади. Чунки Расулulloҳ соллаллоҳу алайҳи ва саллам: «Рўзадорнинг ифтор пайтида қайтарилимайдиган дуоси бор», деганлар.²

8. Расулulloҳ соллаллоҳу алайҳи ва саллам: «Ким Рамазон ойи рўзасини иймон ва Аллоҳдан савоб умид қилиб тутадиган бўлса, унинг ўтган гуноҳларининг барчаси кечирилади», – деганлар.³

Мусулмон киши ажру савобга эга бўлиш ва гуноҳи кечирилиши учун рўзани иймон ва савоб умидида тутиши лозим.

¹ Юқоридаги манба.

² Ибн Можа 1753-рақам билан (1/775)да ривоят қилган.

³ Муттафакун алайҳ, Имом Бухорий 38-рақам билан 1/16да ва имом Муслим 760-рақам билан (1/523)да ривоят қилган.

Учинчи бўлим

Рамазон ойи кириши нима

билан событ бўлиши ҳақида

Рамазон ойи кириши икки ишнинг бири билан событ бўлади:

1. Ҳилол (янги ой) кўриш билан, чунки Набий соллаллоҳу алайҳи ва саллам: «Ойни кўриб, рўза тутинглар. Ойни кўриб, рўзани очинглар. Бас, агар сизларга (само) булатли бўлиб қолса, унда ойнинг ҳисобини қилинглар!» – деганлар.¹ Яна Набий соллаллоҳу алайҳи ва саллам: «Янги ойни кўргунча рўза тутманглар, янги ойни кўргунча рўзани очманглар!» – деганлар.²

2. Агар янги ойни қўрмасалар Шаъбон ойини ўттиз кун қилиб тўлиқлайдилар. Чунки Расулуллоҳ соллаллоҳу алайҳи ва саллам: «Ой йигирма тўққиз тун. Янги ойни қўрмагунча рўза тутманглар! Агар осмон булатли бўлиб

¹ Имом Аҳмад «Муснад» асарида 6323-рақам билан (10/402-жилдда), Насорий эса «Сунан ал-Кубро» асарида 2446-рақам билан (3/102-жилдда) ривоят қиласан.

² Муттафақун алайҳ, Имом Бухорий «Саҳиҳ» асарида 1906-рақам билан (3/27-жилдда), Имом Муслим эса 1080-рақам билан (2/759-жилдда) ривоят қиласан.

қолса, ўттиз кун қилиб түлиқланглар», – деганлар.¹

Тұртинги бўлим Рўзага ният қилиш

Ҳар бир амал тўғри бўлиши учун унга ният қилиш шарт. Рамазон рўзасини тундан бошлаб ният қилиши керак. Чунки Расулуллоҳ соллаллоҳу алайҳи ва саллам: «Бомдоддан олдин рўзага ният қилмаган учун рўза йўқдир», – деганлар.²

Шайхул Ислом Ибн Таймия раҳимаҳуллоҳ: «Кимки эртанги кун Рамазон эканини билса ва рўза тутишни хоҳласа, у рўзага ният қилган бўлиб ҳисобланади. У ниятни хоҳ тил билан айтган бўлсин, хоҳ айтмаган бўлсин, фарқи йўқ. Одатда барча мусулмонлар рўзага шундай ният қиласидилар».³

¹ Мутафаққун алайҳ, Имом Бухорий «Саҳиҳ» китобида 1907-рақам билан (3-жилд, 27-бетда) ривоят қилган.

Имом Муслим эса «Саҳиҳ» китобида 1081-рақам билан (2-жилд, 762-бетда) ривоят қилган.

² Имом Насойй «Кубро» китобида 2652-рақам билан (3-жилдда 170-бетда) ривоят қилган.

³ Фатово Ал-Кубро (2/469).

Бешинчи бўлим

Рўза ким учун фарз?

Рўза ҳар бир мусулмон, балоғатга етган ва ақли жойида бўлган киши учун фарз.

Агар соғ-саломат ва муқим бўлса, ўша вақтда ўташи фарз. Агар касал бўлса, (соғайгунга қадар кечиктириб) қазосини ўташи фарз.

Агар соғ-саломат ҳолида мусоғир бўлса, рўза тутиш ёки тутмаслик ўз ихтиёрида. Рўза тутмаслик афзалроқ.

Рўза тутиш коғирга фарз эмас ва унинг рўзаси (агар тутса ҳам) саҳиҳ бўлмайди. Агар ой асносида тавба қилса, ойнинг қолганини тутади. Коғирлик давридаги рўзасини тутиб бериши шарт эмас.

Ёш бола рўза тутиши фарз эмас. Ақли етадиган боланинг рўзаси дуруст бўлади, лекин, унинг ҳаққида нафл ўрнига ўтади.

Ақли жойида бўлмаган кишининг рўза тутиши фарз эмас. Агар жиннилик пайтида рўза тутса ўтмайди. Чунки унинг нияти йўқ.

Олтинчи бўлим

Кимларга рўза тутмасликка рухсат берилган?

Рамазон ойи рўзасини тутмасликка рўхсат берилганлар қуидагилар:

1. Рўза тутиши қийин бўлган bemor. Бундай кишилар рўза тутмаслиги мустаҳаб.
2. Рамазон ойи кирганда ёки Рамазонда сафарга чиққан киши. Сафарнинг масофаси саксон километр ёки ундан ошиқроқ бўлиши керак.
3. Ҳайз ва нифос кўрган аёл ҳайз ва нифос пайтида рўза тутиши ҳаром. Чунки Оиша разияллоҳу анҳо: «Биз шунга (ҳайз ва нифосга) йўлиқар эдик. Рўзанинг қазосини ўташга буюрилар эдик ва намознинг қазосини ўқишга буюрилмас эдик», – деганлар.¹

4. Шифо топиши умид қилинмайдиган доимий хасталикка чалинган, касаллиги сабабли рўза тутишга мутлақо қодир бўлмаган киши. У ҳар бир тутилмаган кун

¹ Имом Муслим Саҳиҳида 335-рақам билан (1- жилд 265-бетда) ривоят қилган.

учун бир мискинни тўйдиради — ярим соъ буғдой ёки шу каби бошқа таом беради. Унга қазосини ўташи фарз эмас.

5. Жуда кексайиб, рўза тутишга қодир бўлмай қолган қария. У ҳар бир тутилмаган кун учун бир мискинни таомлантиради. Қазосини ўташи фарз эмас.

6. Ҳомиладор ва эмизикли аёллар агар рўза тутиш ўзларига ёки болаларига зарар бўлишидан қўрқсалар, рўза тутмасликка рухсат берилган. Кейинчалик рўзаларининг қазосини ўташлари вожиб бўлади. Агар фақат болаларига зарар етишидан қўрқиб рўза тутмасалар, унда улар қазосини ўташ билан бирга ҳар бир тутилмаган кун учун бир мискинни таомлантиришлари ҳам лозим бўлади.

Еттинчи бўлим **Рўзани бузувчи нарсалар**

1. Жимоъ: (жинсий алоқа қилиш)

Рамазон кундузида жимоъ қилган кишининг рўзаси бузилади. Кунининг қолган

қисмида ҳеч нарса емаслиги ва истиффор айтиб тавба қилиши керак. Жимоъ қилган куннинг қазосини ва каффоратини ўташи керак. Унинг каффорати: қул озод қилиш. Агар топа олмаса, икки ой узлуксиз рўза тутади. Икки ой рўза тута олмаса, олтмиш мискинни тўйдиради. Ҳар бир мискинга ярим соъ бўғдой ёки шу каби ўша шаҳарнинг таомларидан беради.

2. Ўпиш, бевосита яқинлик, ўзини ўзи қониқтириш (истимно) ёки такрор-такрор қараш сабабли маний тушиши.

Агар рўзадор ушбу сабаблардан бири туфайли маний чиқарса, рўзаси бузилади. У куннинг қолган қисмини овқат ва ичимлиқдан тийилиб ўтказиши, кейинчалик ўша куннинг қазосини ўташи лозим. Лекин унга каффорат лозим эмас. Шу билан бирга, у тавба қилиши, пушаймон бўлиши, истиффор айтиши ва шаҳватни қўзғатувчи бундай нарсалардан узоқ бўлиши керак. Чунки у буюк бир ибодатни адо этмоқда.

3. Атайлаб еб ичиш.

4. Рўзадордан ҳижома, томирдан қон олиш ёки қон топшириш мақсадида қон чиқариши.

Бу масаладаги асос Расулуллоҳ соллаллоҳу алайҳи ва салламнинг қуидаги сўзлари:
«Ҳижома қилувчининг ҳам ҳижома қилинганинг ҳам рўзаси бузилди»¹

Шайхул Ислом Ибн Таймия раҳимахуллоҳ айтадилар: **«Ҳижома рўзани бузади деган сўз Аҳмад ибн Ҳанбал, Исҳоқ ибн Роҳавайҳ, Ибн Хузайма, Ибн Мунзир ва шу каби кўп ҳадис фуқаҳоларининг сўзиdir».**²

Аммо рўзадорнинг қони тасодифан чиқса, масалан бурнидан қон келса, жароҳати қонаса, тишини ювганда қон келса ёки шунга ўхшаш ҳолатлар содир бўлса, бу рўзага таъсир қилмайди.

5. Қайт қилиш, қусиш:

Бу ошқозондаги овқат ёки ичимликни қасдан оғиз орқали чиқаришдир. Лекин агар у ўзини тута олмай қайт қилса ва қайт ўз-ўзидан чиқса, бу рўзасига таъсир қилмайди. Чунки Расулуллоҳ соллаллоҳу алайҳи ва

¹ Бу ҳадисни Имом Бухорий 1937-рақам билан (3/33-саҳифа) ва Имом Аҳмад «Муснад» асарида 26217-рақам билан (43/278-саҳифа) ривоят қилган.

² Мажмуъу Фатово (25/252).

саллам: «Ким ўз-ўзидан қайт қилса, қазосини ўтамайды. Ким атайлаб қусса, қазосини ўтасин», – деганлар.¹

Саккизинчи бўлим

Рўзанинг мустаҳаблари

1. Саҳарлик қилиш. Чунки Анас ибн Молик разияллоҳу анхудан ривоят қилинган ҳадисда: «Расулуллоҳ соллаллоҳу алайҳи ва саллам: «Саҳарлик қилинглар! Саҳарликда барака бор», – деганлар.²

2. Бомдод вақти киришидан кўрқилмайдиган вақтгача саҳарликни кечикитириш.

3. Қуёш ботиши билан ифторликка шошилиш. Расулуллоҳ соллаллоҳу алайҳи ва саллам: «Умматим саҳарликни кечикитириб,

¹ Бу ҳадисни Имом Аҳмад «Муснад» китобида 10463-рақам билан (16/283-саҳифа) ва Термизий «Жомеъ ул-Қабир» китобида 720-рақам билан (2/91-саҳифа) ривоят қилган.

² «Муттафақун алайҳ». Имом Бухорий 1923-рақам билан (3/29-саҳифа) ва Имом Муслим 1095-рақам билан (2/770-саҳифа) ривоят қилган.

ифторни тезларатар экан, доимо яхшиликда бўладилар», деганлар.¹

4. Янги етилган хурмо билан оғиз очиш мустаҳаб. Агар топмаса қуруқ хурмо билан, агар уни ҳам топмаса, сув билан оғиз очиш мустаҳаб. Чунки Анас разияллоҳу анҳу: «Расулуллоҳ соллаллоҳу алайҳи ва саллам намоз ўқишлиридан олдин бир нечта янги етилган хурмога оғиз очар эдилар. Агар янги етилганлари бўлмаса, қуруқ хурмоларга, агар у ҳам бўлмаса бир неча хўплам сув ичиб оғиз очардилар».²

5. Рўзадор оғиз очиш пайтида хоҳлаган дуолари билан дуо қилиши мустаҳаб. Расулуллоҳ соллаллоҳу алайҳи ва саллам: «Рўзадорнинг ифтор пайтида қайтарилмайдиган дуоси бор», – деганлар.³

6. Турли хил ибодатларни қўпайтириш. Масалан: Қуръон ўқиши, Аллоҳнинг зикри, тунги намоз, таровех намози, равотиб

¹ Имом Аҳмад «Муснад» китобида 12507-рақам билан (35/399-саҳифа) ривоят қилган.

² Имом Абу Довуд 2356-рақам билан (2/306-саҳифада) ривоят қилган.

³ Имом Ибн Можа 1753-рақам билан (1/775)да ривоят қилган.

суннатлар, садақа ва яхшилик йўлида ҳаракат қилиш. Чунки яхшиликлар ёмонликларни кетказади.

Тўққизинчи бўлим

Эслатмалар

Рўзадор инсон ёлғон, ғийбат, ёмон сўзларни ишлатиш каби нарсалардан четланиш лозим. Агар уни бирорта ҳақоратласа ёки сўкса: «Мен рўзадорман», – десин!

Расулуллоҳ соллаллоҳу алайҳи ва саллам: «Рўза қалқон. Беодоблик ва жоҳиллик қилмасин. Агар бирор кимса у билан урушса ёки сўкса: «Мен рўзадорман», – деб икки марта айтсин!», дедилар.¹

Рўзадор учун ман қилинган ишлардан бири – оғиз чайқаш ва бурнига сув тортишда ҳаддан ташқари муболаға қилишдир. Чунки бу ҳолатда сув унинг томоғига етиб бориши мумкин.

¹ Имом Бухорий 1894-рақам билан (3/24)да ривоят қилган.

Расулуллоҳ соллаллоҳу алайҳи ва саллам:
«Бурунга сув олишда муболаға қил, фақат
рўзадор бўлганингда бундай қилма», –
деганлар.¹

Мисвок рўзага таъсир ўтказмайди.
Аксинча, рўзадор ва рўза эмас одам куннинг
боши ва охирида мисвок ишлатиши мустаҳаб
ва унга рағбатлантирилган. Мана шу тўғрироқ
сўз.

Ўнинчи бўлим Рамазон қазоси

Ким Рамазонда оғиз очишга рўхсат
берилган шаръий узрлар ёки жимоъ ва шу
каби мумкин эмас нарсалар билан оғиз очса,
қазосини ўташи вожиб. Чунки Аллоҳ таоло:

﴿فَعِدَّةٌ مِّنْ أَيَّامٍ أُخَرَ﴾

«Бас, саноғини бошқа кунларда тутади», –
деган. [Бақара: 184]. Зиммасидаги нарсадан
қутилиш учун қазосини ўташга шошилиши

¹ Бу ҳадисни Абу Довуд 2366-рақам билан (2/308) ва
Термизий «Жомеъ ул-кабир»да 788-рақам билан (2/147)
ривоят қилган.

мустаҳаб. Қазосини кетма кет тутиши ҳам мустаҳаб. Чунки қазосини ўташ, вақтида қилиш ўрнига ўтади. Қазонинг вақти эса кенгайтирилган.

Шунингдек, у қазо рўзаларини алоҳида алоҳида тутса ҳам бўлади. Лекин агар Шаъбондан унинг зиммасидаги рўзалар миқдорига тенг вақтгина қолган бўлса, уни узлуксиз тутиши вожиб бўлади. Чунки вақт тор бўлиб қолган. Шунингдек, ҳеч қандай узрсиз уни кейинги Рамазондан кейинга қолдириш жоиз эмас.

Кимки қазо рўзасини кейинги Рамазондан кейинга қолдирса, унинг икки ҳолати бор:

Агар у шаръий узр сабабли кечиктирса, масалан, касаллик кейинги Рамазонгача давом этса, у ҳолда фақат қазо рўзасини тутиши лозим бўлади.

Агар у қазо рўзасини ҳеч қандай узрсиз кечиктирса, у ҳолда қазо тутиш билан бирга ҳар бир кун учун шу юртда истеъмол қилинадиган асосий озиқ-овқатдан яrim соъ билан бир мискинни таомлантириши ҳам вожиб бўлади.

Қазоси бор кишининг нафл рўза тутиши ҳақида: Кимнинг Рамазондан қазо рўзаси бор бўлса, аввал уни тутиб сўнгра нафл рўза тутиши афзал. Лекин агар нафл рўзанинг вақти ўтиб кетадиган бўлса, масалан, Арафа ёки Ошуро рўзаси каби, у ҳолда аввал уларни тутиши мумкин. Чунки қазонинг вақти кенг, Арафа ва Ошуро рўзаларининг вақти эса белгиланган. Аммо Шаввол ойининг олти кунлик нафл рўзасини қазо рўзаларини ўташдан олдин тутиши мумкин эмас.¹

Мавжуд имконият доирасида шуни йиғиш мумкин бўлди. Пайғамбаримиз Муҳаммадга, у Зотнинг оиласири ва саҳобаларига Аллоҳ таолонинг салавоту саломи бўлсин. Аллоҳ уларга қўплаб салом ва баракот йўлласин!

¹ Баъзи уламолар жоиз деб айтишган. (Таржимондан)

Мундарижа

Биринчи бўлим: Рўзанинг маъноси ва Рамазон ойининг рўзасини тутиш фарзлиги ҳақида.....	2
Иккинчи бўлим: Рамазон ойининг фазилатлари	4
Учинчи бўлим: Рамазон ойи кириши нима билан событ бўлиши ҳақида.....	7
Тўртинчи бўлим: Рўзага ният қилиш	9
Бешинчи бўлим: Рўза ким учун фарз?	10
Олтинчи бўлим: Кимларга рўза тутмасликка рухсат берилган?	11
Еттинчи бўлим: Рўзани бузувчи нарсалар	13
Саккизинчи бўлим:	
Рўзанинг мустаҳблари.....	14
Тўққизинчи бўлим: Эслатмалар	16
Ўнинчи бўлим: Рамазон қазоси.....	17



دَسَالَةِ اللَّهِ الْجَمِيعَ

Ҳарамайн рисоласи

Масжидул Ҳаром ва Масжидун Набавий зиёратчилари
учун турли тиллардаги йўриқномалар



978-603-8534-27-4